

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 10/1-05-\_\_\_\_\_/19

Bihać, 12.02.2019.godine

Na osnovu člana 52 Statuta Grada Bihaća („Službeni glasnik Grada Bihaća“ broj 13/15) i člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik u svojstvu predlagača propisa i drugih akata

**O D R E Đ U J E**

Izvjestioca Sakiba Alijagića, dipl.pravnik, šef Odsjeka za poduzetništvo i podršku investitorima u Službi za lokalno ekonomski razvoj, na sjednici Gradskog vijeća i radnim tijelima po prijedlogu tačke dnevnog reda:

Prijedlog Rješenja o utvrđivanju liste promjenljivih članova Komisije za koncesije USK-a za projekte Javno-privatnog partnerstva na području Grada Bihaća

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 10/1-05-\_\_\_\_\_/19  
Bihać, 12.02.2019.godine

GRADSKO VIJEĆE BIHAĆ  
-ovdje-

Na osnovu člana 52. tačka a) Statuta Grada Bihaća („Službeni glasnik Grada Bihaća“ broj 13/15) i člana 140. Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Gradskom vijeću Bihać dostavlja na razmatranje radi donošenja

**R J E Š E N J E**

o utvrđivanju liste promjenljivih članova Komisije za koncesije USK-a  
za projekte Javno-privatnog partnerstva na području Grada Bihaća

(prijedlog)

**O B R A Z L O Ž E N J E**

**I P R A V N I O S N O V**

Članom 23. Zakona o javno-privatnom partnerstvu u Unsko-sanskom kantonu (Službeni glasnik Unsko-sanskog kantona broj 19/12) utvrđeno je:

„Komisija za koncesije Unsko-sanskog kantona će obavljati poslove nezavisnog regulatornog tijela za projekte JPP.

Komisija se sastoji od sedam članova. Komisiju čini tri stalna člana Komisije za koncesije USK-a i četiri promjenljiva člana od kojih su tri člana iz jedinice lokalne samouprave i jedan član iz javnog tijela Kantona.

Članovi iz jedinice lokalne samouprave se biraju tako da Općinsko vijeće predlaže dva, a općinski načelnik jednog člana.

Stalni članovi Komisije ne mogu obavljati političke funkcije.

Komisija ima sekretara koji je ujedno sekretar Komisije za koncesije.

Komisiju saziva i istom predsjedava Predsjedavajući Komisije za koncesije USK-a.

Sredstva i naknade za rad promjenljivih članova Komisije obezbjeđuje tijelo ili organ koji ih predlaže za članove Komisije.

Resorni ministar svojim rješenjem imenuje promjenljive članove, sa liste nominiranih od strane javnih tijela jedinica lokalnih samouprava i općinskih vijeća jedinica lokalnih samouprava u kojima se realizira projekat JPP-a.

Za obavljanje određenih stručnih poslova u provođenju JPP-a Komisija može, uz prethodnu saglasnost nadležnog organa, po potrebi angažirati stručna, savjetodavna, te specijalizirana tijela ili eksperte za ekonomsko-finansijsku, pravnu ili tehničku oblast.“

Članom 25. istog Zakona, utvrđeno je:

„Sredstva za rad i obavljanje poslova iz djelokruga Komisije osiguravaju se u Budžetu Kantona i Budžetima jedinica lokalne samouprave.“

Članom 35. tačka bb) Statuta Grada Bihaća („Službeni glasnik Grada Bihaća“ broj 13/15) utvrđeno je da: „Gradsko vijeće u okviru samoupravnog djelokruga imenuje, bira i razrješava druge osobe određene zakonom, Statutom i odlukama, te daje saglasnost na imenovanja, izbor i razrješenja u skladu sa zakonom“.

## II RAZLOZI ZA DONOŠENJE

Gradskom vijeću Bihać i Gradonačelniku dostavljen je zahtjev Ministarstva privrede USK-a broj: 06-49-340-1/19 od 16.01.2019.godine, da je u skladu sa odredbama člana 23. Zakona o javno-privatnom partnerstvu u Unsko-sanskom kantonu („Službeni glasnik Unsko-sanskog kantona“ broj 19/12) potrebno da se imenuju 3 (tri) člana Komisije za Javno-privatno partnerstvo ispred Grada Bihaća, koje će resorni ministar svojim rješenjem imenovati kada se realizira projekat JPP-a sa područja našeg grada.

Naime, Zakonom je određeno da Komisija treba da se sastoji od sedam članova. Komisiju će činiti tri stalna člana Komisije za koncesije USK-a i četiri promjenljiva člana od kojih su tri člana iz jedinice lokalne samouprave i jedan član iz javnog tijela Kantona.

Članovi iz jedinice lokalne samouprave se biraju tako da Općinsko vijeće predlaže 2 (dva) a općinski načelnik 1 (jednog) člana. Imajući u vidu navedeno, Ministarstvo privrede U/SK-a traži da im se dostave imena kandidata koji će predstavljati Grad Bihać.

## III FINANSIJSKA SREDSTVA

Za donošenje navedenog rješenja nisu potrebna dodatna finansijska sredstva u Budžetu Grada Bihaća. Naknada za članove Komisije koji sa navedene liste budu imenovani i radili kao promjenljivi članovi Komisije, isplatit će se u skladu sa članom 7. Odluke o utvrđivanju visine naknade za vršenje funkcije vijećnika u Općinskom vijeću i radnim tijelima Općinskog vijeća („Službeni glasnik Općine Bihać“ broj 2/13).

## PRIJEDLOG

Na osnovu prednje izloženog, pravni osnov za donošenje predloženog rješenja sadržan je u citiranim članovima 23. i 25. Zakona o javno-privatnom partnerstvu u Unsko-sanskom kantonu i članu 35. tačka bb) Statuta Grada Bihaća, te se Gradskom vijeću predlaže da

Rješenje o utvrđivanju liste promjenljivih članova Komisije za koncesije USK-a za projekte Javno-privatnog partnerstva na području Grada Bihaća donese nakon provedenog postupka, u skladu sa Poslovníkom Gradskog vijeća.

Prilog:

1. Akt ministarstva privrede USK-a broj: 06-49-340-1/19 od 16.01.2019.godine
2. Prijedlog Rješenja

Gradonačelnik  
Šuhret Fazlić

Na osnovu člana 23. Zakona o javno-privatnom partnerstvu u Unsko-sanskom kantonu („Službeni glasnik Unsko-sanskog kantona“ broj 19/12) i člana 35. tačka bb) Statuta Grada Bihaća („Službeni glasnik Grada Bihaća“ broj 13/15), Gradsko vijeće Bihać na \_\_\_sjednici održanoj dana \_\_\_\_2019. godine, donijelo je

## R J E Š E N J E

o utvrđivanju liste promjenljivih članova Komisije za koncesije USK-a za projekte Javno-privatnog partnerstva na području Grada Bihaća

### Član 1.

Utvrđuje se lista promjenljivih članova Komisije za koncesije USK-a za projekte Javno-privatnog partnerstva na području Grada Bihaća.

### Član 2.

Za promjenljive članove Komisije se imenuju:

1. \_\_\_\_\_, ispred Gradskog vijeća
2. \_\_\_\_\_, ispred Gradskog vijeća
3. Adelhaida Zametica, dipl.pravnik, ispred Gradonačelnika

### Član 3.

Promjenljivi članovi Komisije iz prethodnog člana imenuju se na period od pet godina i mogu biti imenovani na još jedan mandatni period.

Ukoliko mjesto člana Komisije ostane upražnjeno prije isteka mandata, Gradsko vijeće odnosno Gradonačelnik imenuje novog člana.

### Član 4.

Sredstva za rad promjenljivih članova Komisije osiguravaju se u Budžetu Grada Bihaća.

Visina i isplata naknade za članove Komisije koji sa navedene liste budu imenovani i radili kao promjenljivi članovi Komisije, isplatit će se u skladu sa članom 7. Odluke o utvrđivanju visine naknade za vršenje funkcije vijećnika u Općinskom vijeću i radnim tijelima Općinskog vijeća („Službeni glasnik Općine Bihać“ broj 2/13).

### Član 5.

Rješenje stupa na snagu danom donošenja, a objavit će se u Službenom glasniku Grada Bihaća.

Gradsko vijeće

Broj: \_\_\_\_\_

Bihać, \_\_\_\_2019. godine

Predsjedavajući Gradskog vijeća

Davor Župa